

**Pilersaarusiortarneq aamma nunaminertat atorneqartarnerat pillugit Inatsisartut inatsisaata allannguutissaatut siunnersuut pillugu Inatsisartut inatsisaat nr xx af xx xx201x (nuna tamakkerlugu pilersaarusiortarneq pillugu nassuiaasiaq, nunaminertanik inniminniisarnerit, nunaminertamik atuinissamut piffissaliussamik sivitsuisarnissamut periarfissaq, utaqquisut tullerriarneqarnerannik tamanut saqqummiussisarneq, pilersaarusiortarnermut- nunaminertanillu atugassiinermi maalaaruteqartarfiup il. il. peerneqarnera)**

*(Aningaasaqarnermut Aatsitassanullu Naalakkersuisumit saqqummiunneqartoq)*

**pillugu**

**Sanaartornermut ataatsimiititaliap**

**ISUMALIUTISSIISUTAA.**

**Siunnersuutip aappassaaneerneqarneranut tunniunneqartoq.**

Suliarineqarnerani Ataatsimiititaliap ukuninnga inuttaqarpoq:

Inatsisartunut ilaasortaq Anders Olsen, Siumut, siulittaasoq  
Inatsisartunut ilaasortaq Kalistat Lund, Inuit Ataqtigiit, siulittaasup tullia  
Inatsisartunut ilaasortaq Jens-Erik Kirkegaard, Siumut  
Inatsisartunut ilaasortaq Ane Hansen, Inuit Ataqtigiit  
Inatsisartunut ilaasortaq Randi Vestergaard Evaldsen (Justus Hansenimut sinniisoq)

UKA 2015-ip nalaani ull. 30. september siullermeerereermermi Ataatsimiititaliap siunnersuut misissorpaa.

**Siunnersuutip imaa siunertaalu**

Aningaasalersuinerup pisariillisarneratigut pilerinarnerulersinneratigullu Kalaallit Nunaanni inuussutissarsiutinik ineriartornerup siuarsarnissaanut Naalakkersuisut ilungersuuteqarnerisa ilaattut siunnersuut isigineqartariaqarpoq. Tulluartautinneqarportaaq pilersaarusiortarneq pillugu inatsiseqarneq annikinnerusumik allanngortinneqassasoq.

**Siunnersuutip Inatsisartuni siullermeerneqarnera**

Inatsisartuni siullermeerinermi siunnersuut tapersersorneqassasoq nalinginnaasumik isumaqatigineqarpoq, kisiannili siunnersuutip kingunissai Sanaartornermut ataatsimiititaliami annertunerusumik isummorsorfigineqassasut.

### **Tusarniaanermi akissutit**

Inatsisissatut siunnersuut piffissami 2015-imi maajip 20-ianit juulip aallaqqaataanut tusarniaassutigineqarpoq.

Tusarniaanermi akissutit inatsisissatut siunnersuummut tapiliunneqarsimapput, tamannalu Inatsisartut Siulittaasoqarfiannit ilusiliinissamat piumasaqaatinut naapertuuppoq.

Uku tusarniaanermi akissuteqarnissaannut kaammattorneqarsimasut Ataatsimiititaliap maluginiarpaat: Naalackersuisoqarfiit, kommunit sisamaasut, Statens Lufthavnsvesen, Søfartsstyrelsen, Forsvarets Bygnings- og Etablissementstjeneste. Tusarniaassut Namminersorlutik Oqartussat nittartagaanni atuarneqarsinnaasimavoq.

Maluginiarneqarpoq ukunanit tusarniaanermi akissuteqartoqarsimasoq: Kalaallit Nunaanni Sulisitsisut, Kommune Kujalleq, Kommuneqarfik Sermersooq, Qeqqata Kommunia, Qaasuitsup Kommunia, KANUKOKA, Kalaallit Nunaata Katersugaasivia Allagaateqarfialu, Naalackersuisut Siulittaasuata naalackersuisoqarfia, Inuussutissarsiordermut naalackersuisoqarfik, Avatangiisinut naalackersuisoqarfik, Ineqarnermut naalackersuisoqarfik aamma Aatsitassanut naalackersuisoqarfik.

Ataatsimiititaliap suliaqarnermini tusarniaanermi allakkiaq aalajangersimasoq amigaatigisimavaa. Sanaartornermut ataatsimiititaliattaq Kalaallit Nunaanni Sulisitsisut pissusiviusutigut tusarniarneqarsimannginnerat eqqumiigaa. Tamanna immikkuularisutut taaneqartariaqarpoq, saqqummiussisummimi assersuutigalugu toqqaannartumik allassimamat:

*”Naalackersuisut Kalaallit Nunaanni, aningaasaliinerup ajornanninnngortinneratigut pilerinarninnngortinneratigullu, inuussutissarsiutinik siuarsaaniarlutik ilungersuutaannut ilaasutut siunnersuut isigineqassaaq.”*

### **Ataatsimiititaliap siunnersuummik suliaqarnera**

Inatsisissatut siunnersuut Ataatsimiititaliap isummorsorfigaa, naammagisimaarlugulu pilersaarusiortarneq pillugu inatsiseqarnermi periususartut atuuttut Naalackersuisut nammineerlutik misissorsimammatigit, tamatumalu kingorna naleqqutinngitsut naammattoorneqarsimasut ilaasa allannngortinnissaat inatsisissatut siunnersuummi matumani kissaatigisimammassuk.

Sanaartornermut ataatsimiititaliattaq tulluartut isigaa, nuna tamakkerlugu pilersaarusiorneq pillugu nassuiaatip saqqummersinneqartarnera ukiut sisamakkaarlugit saqqummiuttarnissaanut allannguisoqarmat, taamaalilluni aqutsisoqarfik naalackersuinikkut kissaatinut naapertuisinnaanera piviusut tunngavigalugit aamma periarfissaqalissammat.

### **Siunnersuutip aningaasaqarnikkut kingunissai**

Siunnersuutip akuerineqarnerani aningaasaqarnikkut kinguneqassanngitsoq siunnersuutip nassuiaatitaani nalinginnaasuni allassimavoq. Saqqummiunneqartut tunngavigalugit allatut naliliinissamut Ataatsimiititaliaq pissutissaqanngilaq. Taamaalilluni Naalackersuisut tamanna apeqqut sukumiisumik misissorsimagaat Ataatsimiititaliap tatigaa, aningaasatigullu sunniutaasinnaasut allat pilersinnaassanngitsut. Siunnersuulli naatsorsuutiginnngisamit pisortat aningaasiviinut amerlanerusunik aningaasartuutitik kinguneqassagaluarpat, aningaasartuutit tamakku aningaasaliissutaareersunit akilerneqartussaassapput, taamaattoqassappallu suliniutinik allanik annikilliliinermik kinguneqartussaassaaq.

### **Ataatsimiititaliap inassutai**

Ataatsimiititaliaq isumaqatigiittoq siunnersuut taama isikkoqartillugu akuerineqassasok inassuteqarpoq.

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.

---

Anders Olsen, Siulittaasoq

---

Kalistat Lund,  
Siulittaasup tullia

---

Jens-Erik Kirkegaard

---

Justus Hansen

---

Ane Hansen